

百名家詩選

小引

魏子曰記有之粵無罇秦無廬秦粵非無罇也廬也夫人而能爲罇也廬也楚之于詩也亦然吳廬王先生固楚材之般倅也或曰習也檢討公著之家也或曰傳也鶴林孫公以之儲元爾成張公以之登第文心卽詩心也余小子曰固也先生實得之天耳天之菁英人不得而襲之天之工力人不得而勉焉也予度仙霞歲將十稔十五國之風已知之矣癸丑秋深以一竿投

漳河一矢獵太行鯢也鮒也其族漁也狐也往也其族獵也發人之笥拊人之罟其盜漁盜獵者也最末吳廬先生以詩示其任氏之漁羅氏之獵乎偉矣其俎登東海囊括上林者乎今讀其五言古則鄴下也彭澤也七言古則浣花也徂徠也近體則絳州鹿門也飄飄乎如蟬蛻之遇秋風冷然善矣而余更有進者今

天子有事明堂先生方出中秘徵材薊燕都鄙郊圻間杞梓楸楠錯采交進先生受之繩墨升

之標棟爲大廈之所倚庇林可焚也澤可竭也
豈僅僅乎詩之爲教也而後知余小子之爲漁
爲獵者淺也

百名家詩選

福清魏 憲惟度輯選

華亭沈 荃釋堂 嘉善顧耿臣奕聞

叅

萊陽朱 琬荔裳 桐城戴其員雪看

王澤弘 字涓來號尺廬黃岡人

擬古

種樹長秋花鑿池待春水故人永相託所得僅
如此水逝有還波花落無生理安知同堂客不
似千萬里萬里隔鄉縣有時自相見片言偶垂

離對面形色變願言白頭好不願白頭早白頭
難與期此心私自悲

聽楊振玉彈琴題筆以贈

深春過我操悲秋不是琴心是隴頭燕地自來
芳樹少却疑落葉滿庭愁

寄宋玉叔

吾友聲名久頻年見面疎詩篇存我法閱歷當
奇書碣石堪垂績燕臺望卜居只愁君到後歸
伴楚江漁

東顧西巘侍御

寒風積雨滿庭吹爲報晴川侍御知
一樹梅花千點淚無人看到夜深時

丁亥七夕

天上知何事人間說渡河
浮生多怨別對此自悲歌
是日偏宜夜經秋客不過
雙星期失信鳥鵲竟如何

送程伯建

秋風將盡後更送客南歸
去國葉皆脫懷人雁

正飛行裝存故劍蓬鬢仗清輝君看今宵月淒淒畏搗衣

過曹顧菴前輩陸舫

草堂閒曠正清秋相對涼如水氣浮自有坐中人作楫不妨市上屋爲舟林深白日偏常靜地遠青山覺更幽最愛隔隣蕭寺裏鐘聲欲盡尚遲留

魯橋遇同年徐月鹿

客子歸舟度魯橋停舟忽遇使臣輶過君旅舍

燈花喜顧我孤蓬霜樹遙岸老平湖天漸雪月
明群雁夜疑潮關河分手吾何事不復垂綸只
采樵

舟行至夏鎮

舟行當歲暮河淺水彌清似映遠山碧微含殘
月明淡交懷古道飲酌感深情應有幽人屋閒
居達此生

泊舟南陽湖

歸舟屢泊不知名客夜惟憐此地清古岸漸看

簫鼓近孤帆如在畫圖行湖寬似曉月初吐林
靜無聲雪半晴腸斷捕漁燈影亂扣舷歌動故
山情

過彭家口

此地滄桑野老諳三河水勢盡歸南雪光照影
十村合霜氣如烟萬嶺含誰構石橋通古渡應
思血汗苦丁男歸人指顧溪山好或有高僧此
結菴

小除立春泊舟清江浦

淮陰再過恰逢春此地遲留更愴神
岸雪未消頻作客
署槐漸老倍思親
先太史爲
淮司李
舩移遠水
陳靈几
淚滴椒觴薦野蘋
游子歷年多在外
九原應念北歸身

舟中有懷

離心百折到江流
雨向春深夜落愁
爲客久同湘浦雁
懷人如坐洞庭秋
聽歌有怨絃難識
解纜猶牽岸不畱
君入淮南吾去越
好風偏阻木蘭舟

贈吳弘人聞夏伯仲

歸家猶作未歸身
歲暮悲歌到暮春
最念客來芳艸路
却憐書報落花辰
交情未敢同厨顧
世事相看迭主賓
莫道此行新識面
論心已是廿年人

贈吳茲受先生

君憂東去我懷歸
塞漠鄉園意總違
誰念老人離少子
獨憐孤客憶雙闌
心隨白髮扶鳩杖
夢怯黃沙響鐵衣
握手莫言成永別
他年此地定

相依

鍊佛寺訪謝有客

鍊佛登龕我正來相逢一笑見花開
木雲客爲今朝至鐘版聲從何處回
入坐茶香潭內雪畱門月冷檻前苔
夜深僧話先年事淅淅風吹劫後灰

贈友

披衣帶月借歸舟江上征人閨內愁
夏口青山樊口樹一帆卷盡畫中秋

江上漫興

薊門歸後遠黃塵只愛招游漢水濱
江上青山冬更老舟中白晝見常新
遙天雲樹渾圖畫滿地漁樵半逸民
我欲相從終歲住竹籬茅屋控閑身

偶成

情薄何知有斷腸却從陌上採青桑
無端年少深相問瘦盡春蠶絲不長

咏芭蕉

懸陰映高閣江露滴秋衣莫道凋零盡春來還
自歸

蕉心有意開蕉葉隨時折但只長根芽不妨臥
霜雪

江上遲復生未至

子夜立高岡遠與寒江對江聲抱苦心廻瀾怨
陰晦故人坐天外寢食藏悲慨孤舟不忍歸情
深畏相背風雨濕我衣佇望猶莫退歲晏偕護
持客久肝腸碎願得蚤追隨既言不敢悔斟酌



王具慶
卷之七十九

六
枕江堂

前致辭指水終身佩

訪樂叢

亂峯斷處水聲漸
徑絕人蹤一折危
但見高雲平眼過
忽聞孤磬下山遲
杖穿石齒僧來約
屐響苔衣客去期
東嶺日低明月上
可憐萬籟欲歸時

懷劉子彛未歸

白露黃花九月寒
秋光如雪照欄干
客懷遠道朝猶夢
書擁高樓夜獨看
每待君來呼掃徑
長

因恩苦減加餐何時著述須同志只爲知音昔
所難

寄閻古古游廬山

二月春無一日晴客舟心似遠江聲人傳我友
匡廬臥常與高僧栗里行耽酒不須頻罵座賦
詩相勸更藏名肯聞隱者真何限非託漁樵卽
耦耕

清明

佳辰柳色雨頻催獨我船從巨浪來此日故園

應掃墓遙憐群弟憶
卽杯爲秦爲晉桃花咲
非火非烟綿竹哀
雙鯉素書終莫寄
廣陵翻到小孤回

廣陵喜顧修遠至

與君相見卽相離
見後茫茫別後思
天意故遲存久會
客途頻遇似先期
情深月挂邗溝樹
夢遠春歸漢水湄
從此著書煩早寄
扁舟吾欲隱蒹葭

舊刀歌

余於長安佩一短刀者三年未嘗暫捨偶見
蘭巖持新刀歸因易之已而思棄舊者非義
遂還其新而仍取其舊者作舊刀歌

昔從燕市買古鐵佩之三年未暫褻有時醉歌
自起舞數尺寒光如電掣臨風出箭挂壁間六
月稜稜立冰雪忽見新刀製亦同偶然相易意
終悵聞君欲以贈他人棄舊求新心鬱結爲泣
箸簪我亦然不忍朝隨暮訣絕新刀利鈍不可
知舊刀鋒芒未纖缺新刀不佩故人裳舊刀不

染奸人血憐爾佩久取爾歸爾自有心毋怨舐
不道我心不如鐵斑斑淚痕中腸折將刀鏽盡
更鑄成刀上之斑不可滅

題程穆倩石言冊子

我來孤舟目臨臯君亦破屋倚蓬蒿侵晨訪我
促膝坐戟手歎世首重搔春風三月如錢冷故
人安得不緼袍故人將身與跡混却借篆籀爲
隱遁雕畫歲月非無心世事不如刀畫穩君心
深苦知者稀古人出處心自忖君看世上逐利

名只似稜稜刀上行張帆乘車並跨馬紛紛勢
力何縱橫我雖求名仍世外虛舟不畏風濤聲
思君匠心石一片落腕如有鋼百鍊雙目凝神
結構時有時會心翻手戰要知絕技亦無益周
鼓商盤等秋電此意茫茫人不聞雖然不聞却
有君刳灰一坏泣何處何論六書與八分消磨
壯志意良苦捉刀惆悵看高雲君不勝衣身瘦
弱鏤成金石何磅礴想像鑄時如舞劍一畫亦
具一丘壑勿言奇文未徑寸中似太虛甚寥廓

卷之七十九
况君詩畫古人間如在絕頂誰追攀奇才抑塞
空託此袖中隱忍生青山

落花詩

爲送春光聽曉鐘不如歲歲只如冬竟無開落
驚雙眼應少悲歡損舊容故國數枝人幾見他
鄉一瓣憾千重遲歸對此傷游子憶得征衣密
客縫

深春零落滿空缸獨對芳園憶楚江香爲故人
寒透紙影憐新月暗臨窻不辭在樹枝枝墜惟

願沾泥片片雙勝事晚鐘清梵夜折來畱供佛
前幢

程穆倩山人招飲

初夏凝寒似早春斷雲疎雨濕飛塵非遲曲徑
花前約爲念高樓樹下人靜氣每從耽酒見道
心偏向聽歌真此生懷抱誰相識但對桐陰借
比隣

題畫

去年身臥西湖水今年看畫西湖紙宛然坐我

一葉舟相送孤山小亭裏遠山遠水如無心一
筆兩筆藏真理不用墨處更奇絕雲烟萬丈徑
寸耳平坡深樹何紆迴筆所凝注遂數里方竹
杖芒草履愁顏只爲看山喜踏盡五湖歸不歸
七十二峯從此始

贈李二夢珠

別君纔半日哀樂每千端瘦影看衣怯長斜一
鏡寬聽歌停調苦學舞折身難臨去遲回發橫
舟夜倚欄

懷丁繡夫

去歲傷春傍水隈，垂虹亭卽斷腸臺。年雖綠鬢
文章老，交已青松兩雪催。芳草情深書早寄，落
花淚盡客重來。與君一見難爲別，夢繞吳江千
萬迴。

題程穆倩畫

高山亦可居，深林亦可隱。下臨萬頃秋，中藏一
葉影。停楫正踟躕，澹然坐孤冷。茫茫海天寬，欲
行未敢逞。獨看孤月上，蒼色照諸嶺。誰識乘舟

人行止有深省

項去浮館丈至廣陵

我來畱滯蕪城住停車只弔雷塘路相逢故舊
似新知所遇新知如未遇忽聞君從江左來解
衣促席呼金壘盛暑張燈忘六月懷抱抑塞門
洞開人生去住如江水波濤笑兀終不止又如
高樹臨深秋隨風飄落隨風起去年相見在西
湖泛船載酒月似珠今年悲歌廣陵市却憶西
湖是畫圖我懷磊落君瀟灑兩人相見必傾瀉

我方築廬西山傍君亦高臥東山下丈夫出處
有深情家國事重名位輕顧我栖遲恋白髮勸
君早出憐蒼生每言君是文章客五雲讀書猶
昨夕致君堯舜早歸來莫待相看笑頭白

無錫黃心甫游於齊與歌者胡文玉善心
甫有僕窺橐中資將謀不利文玉覺其
意以身代刃入膚數寸有中營劉將軍
者出奇方救之得不死余感其義以作
歌

梁溪高士冰雪姿著書兀兀恒苦饑客游齊魯
何寂寞忽感歌者相追隨黃河以北嗜北調青
州亦住宣州兒妙年顏色天然美艷粧不學俗
女子一夜歌聲遶屋梁滿堂淚下如鉛水相憐
悔不早同生那期只欲從君死先生有僕不安
貧不識博奧之主人拔刀作逆胡爲爾天涯安
得金繞身最恨有刀不鑄眼如花忍作看秋蕸
虎狼自門入煎逼何太急短袖耳爲倚柱咲一
身却似當熊立少年義俠誰不憐忍痛無聲暗

悲泣此身一死奚足云高義偏感劉將軍脫贈
奇方出金石先生搗藥何慇懃古人深情各有
托繡被安可方紅裙先生自歎知音寡我亦有
生深情者爲僕受恩反負恩如君萍梗交乃肯
視死如飄瓦我願他日乘車相逢揖君下

秦淮雜詩和王阮亭作

碧浪清波亦有情佳人遙指渡頭名春來兩岸
桃花發却似王郎放棹迎

故宮荆棘柳陰遲零落秦淮萬縷絲羌笛更從

何處怨江南盡似玉關時

宮草迷離二十秋莫愁湖上幾人遊可憐天地
愁如許苦勸人間且莫愁

舊苑名娼數頓揚曾傳大內舞霓裳自憐生在
開元後不見風流脫寸娘

月夜清歌度玉簫白門二妙客爭邀傷心歌吹
今銷歇斷月零風咽板橋

傳壽善歌沙蠟善簫

少年調笑戲呼郎歡怨頻移暗斷腸一自杜鵑
憔悴盡滿園花綻不知春

鸚鵡新詩不忍聞，吟成珠淚憶湘君。
傷心風雅摧殘盡，不信江南有范雲。

荅孫豹人見贈次原韻

涇陽孫子天下士，鍵戶恒畏旁人憐。
但道歸秦一生足，每逢賦詩萬事捐。
插書滿架盜無粟，畱客沽酒囊有錢。
安得移居數晨夕，與君爛醉消長年。

今年踪跡只江濱，畫舫書籤未是貧。
風雨巾屨思舊友，河山一葉送勞人。
世無老眼輕相識，交

有深心重自陳欣慨難言經十載浮生無計得
沉淪

別貽上

野曠心牽百丈寒一帆侵曉出秋瀾鵲鴿影共
迴風葉鴻雁聲愁濕羽翰天露微晴看海日鐘
來杳靄辨烟密孤舟相憶江南北應似金焦兩
地看

黃維章前輩有歸州硯咏之

鍾山流寓黃太史老精賞鑒世莫比自言有研

歸州石石上小眼數莫紀我言此研似端溪紫
色潤澤雕刻齊藏之篋笥游五岳奇書絕壁供
品題太史巨手與高眼誰知皆賴歸州產異時
有書或傳世紀曰楚研手中撰

吳門送秦爾仙歸梁谿

我年已壯子神清感舊今如老弟兄南苑春寒
裘作被北門漏永燭移檠當時並轡人同散此
夜連舟月更明去去天陰那忍別孤蓬聽雨不
勝情

題畫贈李眉年

畫內名山人不到名山如畫到者少何如攜在
懷袖間放眼便見丘壑好見時深悔未卜隣卜
隣深山有幾人我亦生具烟霞癖十年翻作玉
堂賓雲樹疎密峯巒起紙幅空處卽秋水水折
山迴縈夢竟風吹雨滴生悲喜對君畫幅心通
禪忽聞故人彈三絃憐君半夜思歸客有意無
意聲淒然

留別丁繡夫

楚客南還更送秋霜楓兩岸只離舟故人一葉
寒猶訪游子三更淚未收分手畏當新月照思
家尚喜送風留每來相見渾無語莫令君知別
後愁

停舟候潮過南徐華氏園有感

涉江不意阻河濱閒過山居憶避秦天地豈無
支厦木古今多是候潮人客驚竹葉三更雨山
放梅花十月春此日淹留君莫歎船依亭榭亦
佳隣

家大母太夫人誕辰

慈闈明日捧霞觴
游子依然滯野航
戲綵衣成難獻壽
倚門髮白未登堂
曾孫爭欲扶鳩杖
諸弟應思引雁行
獨我望雲遙下拜
向南搔首更廻翔

擬古

壯年輕久別束髮
事遠遊長跪辭老親
泪下不敢流向壁
暗拭涕恐貽高堂憂
一朝歷吳楚
倏忽經三秋
仰視鴻雁翔
哀鳴何所求
游子非木

石規畫豈不周妻子固不戀慈母誰與明因循
營苟得怨艾恒自尤不如早旋歸負米事西疇

憶內子病

歸舟溯鑿江曉聞家僕至披衣未敢問畏有難
言事得聞祖母安喜色尚驚悸遂開所寄書忽
復生憔悴念汝抱久疴沈憂兼積瘁歷年居京
華家計頻汝累祖親既耄耋諸子亦幼穉所賴
共扶持相與敦古義矧我履行役飄搖生內媿
生人苦樂半何計得相避遠人恒曠懷女子多

怨缺願汝厚自愛門戶庶勿墜

古詩健婦持門戶亦勝一丈夫

出真州阻風作

江行苦逆風同舟多憂思顧我獨宴笑去住各有時雖阻歸客程適與順流宜矧茲歲已暮萬族誰無依來者歸有日去者歸何期所貴相知深不畏相見遲遲遲勿復道相知願終老

感懷

嘉樹桃李花不如種芳草枯瘁霜雪中本根恒美好我居在南窓晨夕未忍掃願汝日長養歲

寒恒相保抽葉更發榮連莖仍奮藻如何紈綺
子當春移新棗徒令小鳥棲刺葉蔓行道我來
欲剪除荷鋤當及早芳草雖細微肯待王孫老
青青自有期勿論暫枯槁

湘水日夕綠楚客揚歸舫中流彈古調抱琴誰
與聽舊業在赤嶼焚香讀丹經群花正零落崇
蘭偏芳馨佳人來相賞坐久風冷冷至交不在
密達者忘其形君看幽蘭意用心在沈冥蘭香
終古存蘭葉終歲青深感佳人嘆使我心未寧

舟行卽事

歸船牽纜逆流中夕照微銜遠樹紅江落水尋
何代岸霧迷帆接異鄉鴻村醪徧覓成名酒蒲
葦難求似桂叢相對故人忘是客晚吹橫笛動
悲風

曉行至五溪卽事

卧聞簷溜響天明只作空山落雨聲起看凍雲
隨望迴始知殘雪滴朝晴草豐竹密禽喧語溪
涸沙柔馬愛行竟日攀援來絕頂萬峯氣候一

峯生

五溪望九華諸峯雪

出門朝日照溪明，忽望諸峯入眼驚。
但識夜寒同氣候，如何天半異陰晴。
山含微雪蒼然白，水帶殘冰分外清。
到此倍知身世幻，九華真有故人情。

九華雪霽

雪後登山喜見晴，萬山渾似一山平。
寒光地盡爲天色，皎日人看作月明。
俯視虛空懸在下，遙

來絕頂欲聞聲大江吳楚澄如練長嘯扶筇只
自行

望九華

入谷方數里微雨來餘芬停車眺前嶺漸喜含
朝曛過嶺瞻遠色白氣何氤氲諸峯迴變態不
辨雪與雲漸久憶所歷微茫自此分山下雨滴
瀝山半雪離紛林壑亦已閉白雲莫敢群惟見
飛瀑奔喧激靜聽聞竟日攀木杪望古一何殷

銘九歸索書因贈

風聲斷處水瀟瀟去國離人立板橋不是吳山
行不得客魂先怯幾迴潮

送周銘九

雨後殘星點點明離人惆悵夜三更寒鐘亦似
猿啼苦到曉曾無第四聲

漫興

秋來百日仍無雨亂後多年更有家暫止江南
營燕壘頻來湖北泛漁槎重陽已至催名酒甲
子將終見菊花世事勿言餘隱痛忘機默坐是

生涯

自題小像

年少留侯玉不如莫言白面未髭鬚
神仙王佐他年事且讀山中萬卷書

望金山

草痕微綠雨頻催客子空舩浪不迴
江左昔人揮塵尾吳中此日牧龍媒
金山寺憶頭陀建玉帶橋思學士來
曾折桃花今五載愁聞畫角遶城哀

寄葉晉源

十年前屢共朝昏孤舫樊湖夜到門良友爲雲
飄帝里浮名似草繫王孫荔枝紅摘思同調盧
橘黃看憶故園劒去爲龍真見否海蟾仙伴可
猶存

贈胡彥遠

十年姓字渺追攀相見今嗟髮已斑問舊惟應
悲故劍懷人只似夢名山兩峯月到西湖碧一
畝田依北鄣閒欲話行藏誰信我感君心許洎

潺湲

殘春蕭颯似斜陽風雨何堪滿屋梁載酒憐君
來路滑論心顧我帶愁長病中書札同良藥客
舍晴明當故鄉稍俟西湖微月吐水樓相約話
離觴

花朝日信筆

花朝天氣半陰晴紅洗桃花落照清匹馬獨吟
城外路春山黯淡別時情

雨中聞謝有客彈琴作

春山經雨綠春水經雨深空谷有靜者石澗橫
鳴琴初彈風雨集再彈山水音遂令逆旅夢皆
含萬古心天地久已閉胡爲嗟屢陰

春已去歌

春已去風雨相催何日住春再來明年不用風
雨催江籬湘畹盈春水木蘭舟上思公子寒山
猿鶴蕙帳開中有幽人夢未起落日如箭急深
林秋聲戚勞勞中原向天泣

思遠吟

夏水青岑秋水綠波芙蓉朝榮遙採菱荷有美
一人翠袖哀歌會日苦少別日苦多離離原樹
發彼舊柯盤盤古石託彼女蘿燕子念巢旣寒
且過鴻雁南翔雙雙渡河我無羽翼奈此愁何
入小崎道中作

結伴尋幽入畫圖杪秋山色客同癰葉疑花發
兼黃紫月似燈昏乍有無岐路蠶叢悲老馬孤
巢風樹感慈烏餘生得共崖雲卧勿憶君恩賜
鏡湖

莫訝躋攀廢歲年多生行脚遍山川風飛黃葉
如蝴蝶霜改青林作杜鵬秋與暮雲歸欲盡客
隨殘月影相連低回馬首吾何願獨臥孤峯病
叟禪

登小崎山頂

蒼崖綠芙蓉大江一線雪願作崎山農更鋤萬
古月

懷廣容園

休沐歸來強仕年結廬深倚白雲邊南陽爭比

西山靜東里何如北郭賢
養鶴羽長緣送客種
茶花發當耕田著書高臥渾無事
默坐蒲團一
炷烟

題周言志伯樂顧駿圖歌

穆王八駿不可得
秦皇七馬空
亾國張騫旣去
漢無人烏孫汗血無消息
吳門周郎氣
袞兀自
寫其窮兼有骨丹青不救丈夫貧
黑貂敝盡恒
破鞭忽然掃筆畫驂驪一馬正嘶
凡馬愁自困
鹽車久伏櫪得逢拂拭今昂頭乘風悲鳴人不

識紫袍玉帶從旁立借問伯樂者何人雙眸識
得心於邑此馬瘦骨何太窮此馬千里如追風
天廐駑駘飽厚祿山林唯俊空青驄一朝牽來
獻天子朝離楚國暮帝里萬馬倪首不敢前殿
前蹀躞天顏喜吁嗟平安得畫馬可作真今日
亦無伯樂知馬人縱令此馬招呼能下地徒與
列駟爭風塵不如畫馬傳奇聳俊稱絕倫

舟行

殘暑雖愁熱無風小艇安白波浸舊岸蒼壁插

高湍樹隱荒園瘦秋隨客夢寒不衰頻竹杖人
訝理漁竿

贈韋子暢

記得少時與君友每過幽居添結構雙鶴羽白
浴小池小童髮垂立清晝園外時聽讀書聲閉
關不掩松竹茂於今我壯君欲老當年君壯吾
方幼忽然大海揚枯桑廿年不改韋郎瘦當今
雅尚祇勢豪友聲何人歎故舊與君同病藥莫
療絕交書伴離騷讀韋郎卜築在樊湖種柳如

家地是儻水漲蛟龍巢書堂風高茆齋屋瓦漏
貧交既貴故劍忘君有良田不得售吁嗟售田
竟何益千金入手不停宿莫如飲酒學灌園何
妨忍饑習辟穀天寒君欲往劍津足苦隻繭皮
面皺鋤金難復見管寧指困無人是魯肅爲君
高歌行路難四座悲風動橘柚倩人尺布補征
衣過我丈室露兩袖勸君慎勿游東鄰非不富
勸君慎出門故友非不厚比鄰故友尚相忘悠
悠世路誰相救梁湖魚可釣梁山石可漱莫羨

高門厭梁肉漏卮在前歌器後惟我與爾能白
首

贈陳頑龍觀察

臨淮海山氣翠律鬱蔥盤結奇人出巨浸疊嶂
浴古今孕秀鍾英補天日遂有先生應岳神幼
孤哀敬動四隣思凌顏謝人莫敵才比管樂稱
絕倫結交任俠輸百萬海內待君爲左券義心
苦調聞不平却借絲絃寫哀怨一朝折節下董
帷博與天人無不窺著書已作文章伯辟穀先

爲王者師運逢先代中原亂學書旣成去學劍
名士仍兼裘帶風陰符還定梁宋難由來國士
自無雙閭外猶鑒讀書牕光燄萬丈人莫識五
岳方寸誰能降知君去就原有以不愛錦衣愛
青史真人定出漢關將軍捲甲渡燕水紅雲
捧處正少年每逢天笑稱君賢賜以璽書及鞍
馬金吾世蔭紀凌烟才高豈居絳灌下脫却戰
袍一儒者相君非是薄封侯曼倩何妨戲金馬
大將登第人已驚况有令子齊科名聯翩看花

雙鳳闕不數一日七十城黃鶴樓頭看勒石長
公書法如疊壁鳳閣天門筆轉蒼鐵畫銀鈎髮
應白以身報國何所求出守鄧州更潯州太原
父老攀轅泣黔陽猓猓遮道謳是時楚臬席虛
左僉曰公賢詔曰可江漢今逢被惠風姓名早
已通靈瑣記得陞見殿上趨君王一見賜名妹
紫玉歌中憶韓重白頭吟罷嫁羅敷平生心事
秋清練禹峯曾有頑龍傳弘也讀之生紫烟同
人贊歎稱黃絹屢過夏首登君堂握手感舊摧

肝腸海內淮陰今再得吁嗟漂母若同鄉我有
中懷思告語願君救世我軒翥淮南向有鉢池
山是我當年舊居處

懷仙詩

葛公本仙骨木衲疑愚氓碁局不知道樗蒲不
知名雖平石水亂侯爵奚足榮惟求勾漏令養
拙資清貞洛陽訪異書羅浮鍊八瓊著作一十
卷鬱鬱何其精畱書別太守舉體如烟輕二鄭
爲師友庶幾道可成我生宜努力服食還上清

又

東華未入道殺氣橫中原百戰一不利激往如
電奔失道迷深谷歡遇胡僧言遂解將軍印得
入太上門授以刀圭秘口口探靈根功成餌還
丹高舉齊雲騫凡夫抱聖胎皆可登九垓

金仙善示現吾師心無已衆生難盡度玉顏慘
不喜楚人何多緣屢邀師至止岳陽與黃鶴二
樓駐仙趾點金畏誤人賣桃難孝子傳道自鶴
嶺鍊笛吹湘水十試不一誤雲房思莫比晚遇

黃龍喝禪玄無二理萬古盧生夢神仙呼不起
又

吾祖王子喬妙容振仙袂凌空吹玉笙鳳皇響
天際陋矣南面王棄家遂遠避欣接浮丘公靈
泉灌命蒂月黃與日丹服之玩千世嵩山三十
春心空形豈敝是身遍虛空長繩莫能繫還家
謝世人緱嶺聞鶴唳苗裔繼者誰吾生宜自勵
又

嶺南氣鬱蔥海瓊振孤響蟾夢感母懷真人來

少廣每歎雲游難訪道生瓊想金丹授泥丸師
恩實陶獎仙律何森嚴雷霆在其掌武夷扣寂
寞匡岫結珍賞金剛與圓覺還丹理無兩斯言
自君發禪玄破疑網焚香誦微言茫然覲君像
薦福寺寓中作

弱柳江邊草漸肥主人不出客思歸當年負劍
情何重此日班荆坐尚稀雨夜怪禽啼古樹月
明饑虎嘯輕扉山居日久渾相狎身世年來總
息機

蚤歲奔馳識物情不須逆旅歎勞生
曉聞鳥語知天霽夜見梅開信月明
久客誰遣懷舊賦長愁慣聽曼歌聲
他年斗酒畱君醉俯看浮雲百態更

偶感

十載悲歌蜀道難於今只作等閒看
恩母望報如新識怨亦忘機作舊歡
斫地虛勞彈寶劍當門實畏種幽蘭
浮湛玩世良非傲楚客從來戴賜冠

自南康陸行至九江道經廬山下

北風寒欲改春聲獨有匡廬伴曉征石上月華
凝作雪潭中雲影照如華幽禽宛轉留孤客古
樹纏綿送遠行白首相依惟五老竟無離別見
交情

舟行多阻陸行疲僕馬奔忙尚覺遲石磴攀援
依木杪水苔欹側出雲楣寒松夾道蒼龍嘯古
洞迷踪白鹿悲不爲老親心事迫結廬絕頂盡
幽期

徐亦史明府移樽廣容園小詩志謝

良會嗟難邁
况兼心境閒
烟雲千樹杪
吳楚一燈閒
歌隱樽前雨
軒收檻外山
夜深歸路暗
遙辨翠微還

諸葛武侯

諸葛功成二十餘
出師只似在茆廬
生逢魚水他何慕
老剩桑田意自如
三顧惟將嘔血報
兩朝不改鞠躬初
古人山處心先定
置我山林却

不虛

王景畧

清河景畧救時身歎息知公有二人

呂婆樓薦
景畧謂謀

畧不世出李威勸堅猛以國事欲就桓溫原爲晉不除樊世可
稱秦隱居尚憶華陰路大志惟憑北海濱臨訣
數言堪涕泣一生沈痛質明神

張畱侯

穀城山下草離離追憶高風繫所思漫道畱侯
如女子每看秦帝只嬰兒報韓志切逢黃石翼
漢功成賴紫芝身退拂衣還辟穀神仙原是帝

王師

梅花樹下歌

西山峯頂三千丈雪深五尺平如掌
梅花衝凍吐寒紅
香色無聲我獨往
獨往非是我有情
二更到時天尙明
非燈非月夜皎皎
幽人探花踏雪行
雪厚不辭雙履濕
偶然赤腳雪上立
稜稜苦節透骨寒
切切陰憂椎心泣
我知雪有心雪是我知音
梅花老爰與我伴
趺坐花下彈絲琴
琴聲莫彈梅花調
梅花亂落人易老
琴聲莫彈

白雪篇白雪淒苦傷冰絃不如十指只撥無生
曲高僧聽罷抱琴入白雪爲我飛梅花爲我垂
雪花梅花不可辨只因身上衣縞衣脫衣且上
禪床坐雪與梅花猜不破不如擁絮還高臥

送友人北上

冬夜別聲哽咽送君遠看燕市月不如歸臥楚
峯雪雪花團團落馬鞍片片征衣衣上寒凍雲
吹沙壓古道孤月淒苦照長安長安兒女情古
塞風霍聲鉄甲裹肉心內熱將軍射石猛虎驚

誰聞閨人遠相憶隔簾望月長太息戰場白骨
暗悲啼繡榻青春怨顏色女兒顏如花如花方
在一枝斜臨水澹紅心自惜可知妾命如秋紗
紗窻薄如紙寸心夢萬里夢中怯行路恐隔隴
頭水隴頭之水接黃河河濁何日揚清波妾命
亦自比水潔泥絲何用附女蘿郎歸過新歲春
風知郎處處處處春風不見郎見郎却是春風住
秋夜同萬孝克坐偶然作歌

霜夜月昏燒燭白月照雨痕如雨雪愁人擁爐

火半紅促膝良朋更漏歇四更昏月寒子夜細
雨殘袖中短劍瘦龍吼世上高歌行路難乘車
不難登太行乘舟不難涉海水海水波有平時
太山險客步履我所難兮難在門內一尺地一
尺地有山萬峯一尺地有波萬重我欲乘車輪
轅折我欲乘舟帆檣窮忽坐九折上忽涉九淵
中耳側波濤何豐隆人聲不如鬼語聰魑魅軒
然都市逢我讀春秋掩卷哭孔子不作何人續
筆削之恩刺心骨

偶感

屢客復何益蕭然及早秋
露凝荷氣靜雨過竹香浮
處亂無如默企生止用柔
姓名如可隱誓墓賦歸休

水蘭山道中作

曉望山行屢涉津千峯招我意何真
應思舊約今來赴却似貧交分外親
石洞早歸清夜月草堂終老翠微春
浮生名利休相逼念我中原憔悴人

贈楊鄂州出使安南

龍門江急盡高湍，捧詔安辭行路難。
浪泊何殊燕草色，象山應作楚峯觀。
天恩未忍餘蛇豕，方貢寧須責彈丸。
勾漏朱砂今尚在，可能持贈鍊還丹。

同高念東先生泛舟月湖卽席和韻

亭上波光浴日輪，放舟高會漢江濱。
勲名救世原非幻，歌舞移情亦自真。
野閣遠邀黃綬客，綺筵中坐雪衣人。
月湖秋色寒侵柳，爲惜離群折

更新

幾日追隨暫繫舟水亭山閣共優游吟詩只似
吳江冷顧曲難消楚客愁豈識武侯非管樂須
知曼倩亦巢由他年瓢袖從君住五岳爲家可
再謀

朱牧仲別駕招同陳義扶孝廉飲署內東
齋義扶卽席有作因屬和四首

東齋賓主總名流人坐中央菊兩頭官舍閒於
三徑遠交情澹對一燈秋頻催酌酒忘深夜盡

攬藏書滿勝遊迂拙若余偏入坐吟詩欲醉竟
銷愁

荒城風雨抱江流獨我淒然感白頭

爲先王冊綺席

客猶思負米雪衣心豈爲悲秋登堂有約期同
拜愛日難追悔遠遊班坐三人皆異地當歌莫
動望雲愁

高簷滴瀝若懸流壁畫蒼松白石頭訪舊但期
千里駕論心如坐萬山秋橘香入酒疑花釀燭
影搖窓勝夜游豫楚素交良不易棹歌且莫促

離愁

遙看楚水接吳流相送悲歌古渡頭竹影含烟
斜受雨菊花飲露直禁秋論文每重陳琳草作
賦今同宋玉遊重詠河橋分手曲雁行風急不
勝愁

雨後遊西山作

遊山出郭恰初晴石古沙寒帶濕行寺隱梨花
水雪淨亭收芳草水天橫高松露滴知春盡絕
嶠雲浮悟世情獨有遠公真好我頻留巖畔話

無生

二月春無二日晴今朝初霽喜山行孤烟隱似
天涯路芳草柔於夢裏情雪爪飛鴻畱故跡紙
寫弱線繫浮生何人識得拋家累一杖斜挑破
衲輕

樊湖初度

初度悲生我舟行意鮮歡草心一寸苦春色二
分聞風定湖爲鏡山脚月似盤挂帆經過處野
老盡來看

樊湖雜詩

詔華人莫問，獨我入樊川。
兩岸圍芳草，中流引畫船。
樹紅團月吐，湖綠遠峯懸。
秉燭傷春盡，悲歌夜不眠。

岸動

絳桃將綻樹芳菲，白燕雙隨柳絮飛。
爲語春光休便返，可能遲度菊花歸。
十日家居半客行，江花江草度浮生。
不知怪石心何恨，終歲嵯峨不肯平。

過昭山

昭潭澄湛氣離紛長纜牽江動縠紋絕嶺未秋
多紫樹層梯將午自蒼雲烟迷寺遠鐘聲濕風
過崖迴梵響聞想到南征停蹕處旌旗倒影躍
魚群

登祝融峯

祝融雲起如空紫祝融雲散如天霽陰晴不爲
風雨生高峯懸絕無根蒂衡岳去地近萬仞南
紀山河稱巨鎮芒屨竹杖自擔登妙卉靈花咲

蓬嶺朱陵洞裏是吾家守洞童子掃綠霞幽巖
七月冰結薜迴溪歲晚樹結花我來不覓仙人
面仙人多刼頻相見金丹鍊成是月黃石髓飲
來若霜霰我訪白衣李鄴侯懶殘煨芋何所求
出世亦抱救世願無生客爲蒼生謀烟霞峯半
讀書處五聖精靈未曾去密紆籌策復兩京苦
口回天誰與助當時尙有陸贄賢同心匡輔堪
擎天胡爲二公竟契澗陵寢鐘簴幾移遷我來
抱影峯頂宿已公巖下聽飛瀑觀日雲海盪心

有鐵腳道人叫山谷禹碑萬古空崔嵬科斗既
出鬼夜哀吁嗟乎金簡玉牒安在哉蒼水使者
何處來使我登岳懷古悲禹功望舜廟不見兮
淚暗催

長沙客懷

晴暉映遠山夕霽林巒出長沙秋爽清誰謂生
早溫旅思閒更繁翻願落日急歡宴在異鄉有
如井寄汲忍辱強聲折對影暗快悵哀響摧損
籀露泫葉如泣松栢衆草間偃蹇亦獨立誰知

冲霄漢垂陰覆廣邑

抱奇思救世懷憂在歡燕自知良亦難外狂中
實狷讀史兼覽鏡觀心若披面天道誰謂遙理
數貞不變日月與雷霆終古不相見至人握元
化澹然如洒練

束帶非吾好爲客亦掩扉樓居獨焚香心息靜
相依雙日久內視諸我自外歸如水含浮沙澄
微可鑒微諒哉觀道妙無念隱冥機

何叅軍藏有古梅一幅不知姓字或曰此

元人筆也索余題跋余因信筆作歌

天寒臘月嚴霜急古幹凌空香風濕林逋長往
孤山空月明夜夜老梅泣叅軍好竒癖丹青買
得絹素神物靈高堂恍惚動疎影久坐隱躍聞
芳馨多生愛踏梅花路江南靈谷與玄墓武林
西溪二十里紅粉白雪花如雨我聞長沙榔林
市梅花國土成煙霧向花多苦吟不識花有音
折花多攀林不識花有心有音暗對霜月吐有
心只爲丘壑深吁嗟世人尚炎熱君獨何心愛

冰雪風姿冷艷獨臨水瘦影撐柱渾似鐵縱然
朱門亦有種寧爲繁華改清節可歎世人原不
如草木歲寒不願居華屋寧結伴侶依林麓不
然一枝老空谷或學龍蛇屈突聽飛瀑叅軍隱
居頗好奇愛我偏在林經時請我縱筆揮新詩
問花何求花無辭吁嗟乎海內困苦蒼生悲誰
爲和羹者手摘君家堂上梅花枝

登岳陽樓舊址

高山平臺氣軒豁白沙浸天湖水渴山腳直插

洞庭根遠逼波濤向西澗
倏忽風定浪欲希一
峯雲散一峯歸無數
鳬鷗波底浴幾行鴻雁天
際飛野老拊點君山樹
云是昔年湘妃墓十二
峯樓環珮魂瀟湘夜滴
斑竹雨再聞哽咽說亂
離老淚霑洒白鬚
看玉帛聲碎却灰火兒女血
晨降賊旗聽罷客懷發
深省山水登臨意俱冷
雙足欲下雙眼昏
湖山萬象盡倒影

偶成

日暮沙蟲忽聚鳴
春雷初震便收聲
誰知高鶴

來天半卽得瑤花立晚晴

黃鶴樓觀江漲歌

高空寥廓與天際蜀江漢江於此注浩浩朝東
萬古流竊疑厚地搖根帶楚渚城南黃鵠磯撐
出江中水道飛眉樓高山百雉外結廡仞看兩
羅歸我來登樓開牖入罡風迴合煙霧濕倒影
斜插清漢中懸空翻似飛泉立客子樓居六月
寒江城變態千萬端澄波忽作九疑險只尺回
淵入灘有時風頭如潑墨天意陰憂雲鐵色

本是安瀾莽沸騰何異對面生荆棘有時波定
浪花浮忽然萬斛鳴琅球有時江平竟不流靜
鏡縞練懸清秋有時風乍起微聲蹙浪魚鱗紫
有時西日斜銀濤一半疑白沙絕愛晴光燦爛
映朝霞水面千樹紅桃花大別軍山幾關鎖洞
庭帆檣自天墮應憶劉曹此戰爭有人羽扇中
流坐漢水西北流無處滔滔何者如龍據尚有
赤壁西塞砥百川狂瀾安敢竟東去

月夜天門山登眺

棲薄江村欲二更衝寒荒市入山行壁懸老屋
愁風峭人厖荒苔感月明嶺嶠到江還插漢石
門對岸隱爲城遠煩道士前相導指顧南雲說
舊京

泊燕子磯大雪過三台洞

兩度來尋九歲游迴疑隔世碧峯頭巖棲客化
遼城鶴江路人同海上鷗雪湧銀濤嫌浪黑風
號鐵騎覺沙稠望衡魯訪三生跡歷數前身總
一漚

贈周櫟園

虛堂披豁久靜氣若山深家剩千秋史身存百
折心著書忘歲月積盡當登臨舊恨渾無憶怡
然託素琴

車中望東蒙山白雲作

北征驅車鷄鳴起古道盤紆石溪裏遠望蒼崖
貯白雲澄澈宛似一泓水倏忽瀾漫數千峯渾
疑長江數十里雲臥不動山轉搖微露巔崖如
洲止何當東蒙結茅屋雲英服食勝石髓本往

京雒慕隱居稽首名山慚未已

春深

春深亭午盡征裝苦熱應同夏日長漫擬蒼生
思謝傅還期大隱問韓康易諳野樹幽棲樂花
咲車塵過客忙救世本難歸隱易曾聞嘔血出
南陽

邗上春寒惜路分馬嘶回顧爲離群河邊細麥
疑芳草樹外飛沙似白雲報國心長同遠道濟
時力弱想奇勲自知林卧迂疎久衰職徒虛負

聖君

泰安州見杏花作

春陰泥凍阻天涯直過青齊見杏花
雨後忽疑生晚照日恆渾似映朝霞
爲看驛路垂垂發因憶山園故故斜
浮世風光容易度及時隨地惜芳華

贈柯三台口號

初夏幽棲亂井蛙每逢相慰待芳華
武昌市小英雄賤誰問當年許負家